



CUMÜN DA SCUOL

Riassunt da la sezzüda da la suprastanza cumünala dals 30 marz 2026

Decisiuns chi pertoccan a personas privatas o ad affars na amo serrats giò nu vegnan publicadas.

Dieta dals 6 e 7 marz 2026 a Chastè

Als 6 e 7 marz 2026 ha gnü lö la dieta culla suprastanza cumünala e la direcziun a Chaste. Illa dieta esa gnü lavurà e discus davart ils temas finanzas cumünalas, structuradas ed organisaziun sco eir guardà süls temas da l'on passà. Implü ha al cumanzamaint da la dieta preschantà il schef da finanzas dad ün oter cumün cifras ed infuormaziuns da lur cumün. I's tratta eir dad ün cumün turistic. L'idea d'eira da surgnir infuormaziuns per tillas congrualar lura cul cumün da Scuol.

Inscunter culs giuvens burgais e culs novs abitants 2026

La suprastanza cumünala ha decis cha l'inscunter culs giuvens burgais haja lö quist on als 16 mai 2026 illa fracziun d'Ardez. I vain implantà ün bös-ch culs giuvens burgais ed in seguit vain fat üna grillada. L'inscunter culs novs abitants ha lö ingon a Scuol e quai als 20 gün 2026. I vain fatta üna spassegiada culs novs abitants ed in seguit vain sport ün apereitiv.

Radunanza dal cumün da vaschins

La radunanza dal cumün da vaschins ha gnü lö in lündeschdi, ils 13 avrigl 2026.

Permiss da fabrica gnüts concess da la direcziun

La direcziun resp. la suprastanza han concess ils seguaints permiss da fabrica:

- Gredig Bernhard, sanaziun dal tet cun implant fotovoltaic, renovaziun ed ingrondimaint da la chasa d'abitar, nouv local per vélos cun installaziun fotovoltaica vi da la fatschada, parcella 1877, Liuns 716, Scuol
- Frick Christine e Jürg, nouv s-chodamaint cun sondas geotermicas, nouva veranda e müdamaint da la s-chala d'üert, parcella 10254, Sent

Scuol, 22 avrigl 2026

La suprastanza cumünala

Bagnera 170
7550 Scuol
081 861 27 35
t.pua@scuol.net

